



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 414
e – mail: info@voda.ba

Broj: **UP-I/25-1-40-250-8/21**

Datum: **19.07.2021. godine**

«Agencija za vodno područje rijeke Save» Sarajevo rješavajući po zahtjevu Investitora JP Autoceste FBiH d.o.o. Mostar za izdavanje prethodne vodne saglasnosti za trajno deponovanje inertnog materijala iz iskopa, prilikom izgradnje tunela „Hranjen” - deponija Osječani, na osnovu člana 109. stav (1) tačka 11. Zakona o vodama («Službene novine Federacije BiH» broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99) d o n o s i

R J E Š E N J E **o prethodnoj vodnoj saglasnosti**

1. Investitoru JP Autoceste FBiH d.o.o. Mostar daje se prethodna vodna saglasnost u svrhu formiranja deponije iskopnog inertnog materijala, nastalog prilikom izgradnje tunela „Hranjen”, na zemljištu označenom kao k.č. 2415 K.O. Podhranjen, općina Goražde, a u postupku pribavljanja urbanističke saglasnosti i okolinske dozvole.
2. Prethodna vodna saglasnost se daje sa rokom važenja od 3 (tri) godine od dana pravosnažnosti ovog rješenja, u skladu sa članom 111. stav 3. Zakona o vodama.
3. Prethodna vodna saglasnost se daje na osnovu pregleda dostavljene projektne i druge dokumentacije i pod sljedećim uslovima:
 - 3.1 Tehnička dokumentacija koja se odnosi na zahtjev za izdavanje vodne saglasnosti treba da je urađena i revidovana na nivou glavnog projekta, od strane ovlaštenog pravnog lica, u skladu sa odredbama Pravilnika o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti („Službene novine Federacije BiH”, broj 17/08).
 - 3.2 U tehničkoj dokumentaciji treba dati tehničko rješenje uređenja obodnih kanala oko deponije kojim će se prihvatati i transportovati površinske vode do recipijenta u cilju sprečavanja pojave erozije i ugrožavanja stabilnosti tijela deponije.
 - 3.3 U tehničkoj dokumentaciji potrebno je dati odgovarajuće rješenje zacjevljenja „bezimenog potoka”, tj. mogućeg načina evakuacije voda, naročito velikih, pri čemu treba imati u vidu da se radi o povremenom i neizučenom vodotoku. Proračun potrebnog zacjevljenja velikih voda treba raditi na rang pojave 1/100, a odabrani profil treba da omogući tečenje sa slobodnom površinom.
 - 3.4 U projektnoj dokumentaciji obrađivač će obraditi dimenzije, pad, tip obloge, odgovarajući statički, hidrološki i hidraulički proračun, način izvođenja zatvorenog profila „bezimenog potoka” pri čemu se ne dozvoljava tečenje pod pritiskom u zacijepljenom kanalu.
 - 3.5 Projektna dokumentacija treba da sadrži rješenje objekata za prihvatanje voda (rješenje sa ulaznom glavom i njenim osiguranjem) i ispusta (rješenje glave ispusta i njenim osiguranjem) na mjestu gdje prestaje zacjepljenje, tj. gdje je „bezimeni potok” u svom prirodnom koritu.
 - 3.6 Dati adekvatno tehničko rješenje objekata za zaštitu od eventualne erozije, sa posebnim osvrtom na stabilnost i nosivost kosina deponovanog materijala.
 - 3.7 Analizirati uticaj tehničkog rješenja na uzvodni i nizvodni potez korita „bezimenog potoka” i predvidjeti zaštitne mjere kojima se omogućava ili smanjuje štetno djelovanje od voda koje bi se moglo javiti kao posljedica formiranja predmetne deponije.
 - 3.8 U projektnoj dokumentaciji obrađivač će da provede stabilitetne analize i propiše uslove - ugradnje materijala u deponiju kako bi se obezbijedila sigurnost i stabilnost deponije i spriječila pojave slijeganja i klizišta.
4. Po izradi investiciono-tehničke dokumentacije, u skladu sa uslovima iz tačke 3. dispozitiva ovog Rješenja, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti.

5. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20).

Uz zahtjev se, između ostalog, prilaže:

- 5.1 Revidovana Investiciono-tehnička dokumentacija u skladu sa uslovima navedenim u tački 3. ovog Rješenja,
 - 5.2 Rješenje o urbanističkoj saglasnosti i okolinskoj dozvoli za predmetnu deponiju,
 - 5.3 Validne dokaze o riješenim pitanjima imovinsko-pravnih odnosa na prostoru planirane deponije i pristupnog puta odnosno odluku Vlade Federacije BiH kojom se odobrava deponovanje materijala na ovom lokalitetu,
 - 5.4 Dokaz o izvršenju uplati upravne takse u iznosu od 60 KM.
6. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavjestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
7. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Svojim zahtjevom, broj: 05-6262/21 od 31.05.2021. godine, zaprimljenim na protokolu Agencije 14.05.2020. godine, JP Autoceste FBiH Sarajevo, obratilo se ovoj Agenciji za izdavanje prethodne vodne saglasnosti za trajno deponovanje iskopnog inertnog materijala prilikom izgradnje tunela „Hranjen“ -, deponija Osječani, a u postupku pribavljanja urbanističke saglasnosti i okolinske dozvole.

U prilogu zahtjeva za izdavanje prethodne vodne saglasnosti, dostavljena je slijedeća dokumentacija:

- Ovjerena kopija rješenja o izmjenama podataka kod upisa subjekta u sudski registar broj Tt-O-840/18 od 15.11.2018. godine, Općinski sud u Mostaru;
- Ovjerena kopija Uvjerenja o poreznoj registraciji od 07.02.2013. godine izdanog od Porezne uprave - Kantonalni porezni ured Mostar;
- Ovjerena kopija Uvjerenja o upisu u Jedinostveni registar obveznika indirektnih poreza od 01.02.2019. godine, Uprava za indirektno oporezivanje BiH;
- Kopija rješenja o odobrenju za građenje broj: UPI/03-19-2-59/20 od 12.05.2020. godine, izdato od strane «Federalnog ministarstva prostornog uređenja» BiH;
- Kopija uvjerenja da nekretnine upisane u P.L. broj 96 K.O. Podhranjen, označene kao k.č. 2415 se vode na ime BiH – FBiH Ministarstvo poljoprivrede vodoprivrede i šumarstva Sarajevo sa 1/1 dijela i da nisu upisane u ZK, izdato 15.05.2020. godine od strane ZK ureda Općinskog suda u Goraždu;
- Kopija katastarskog plana R1:2500 (kopija);
- Izvod iz posjedovnog lista broj 96 (kopija);
- Kopija odluke broj: 01-23-638/19 od 10.09.2019. godine, o utvrđivanju javnog interesa za deponiju zemljanog materijala sa predusjeka izlaznog portala tunela „Hranjen“, skupština BPK Goražde;
- Dokazi o uplati administrativne takse u iznosu od 80,00 KM i uplati Federalne upravne takse u iznosu od 3,00 KM;
- „Studija uz zahtjev za izdavanje prethodne vodne suglasnosti“, urađen od strane Zagrebinspekt d.o.o. Mostar, mart 2021. godine.

Nakon izvršenog uvida u dostavljeni zahtjev i priloženu dokumentaciju utvrđeno je da uz zahtjev nisu dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari i zatražio dopunu podneska dopisom broj: UP-I/25-1-40-250-2/21 od 08.06.2021. godine u kojem je zatraženo od podnosioca zahtjeva da isti upotpuni u roku od 10 (deset) dana od dana urednog prijema dostavljene obavijesti što je podnosilac zahtjeva ispoštovao i dostavio odgovor.

U skladu sa članom 124. stav (1) Zakona o vodama i člana 21. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj 31/15, 55/19 i 41/20) o zahtjevu je dana 01.07.2021. godine obaviještena javnost putem obavještenja na oglasnoj ploči «Agencije za vodno područje rijeke Save» Sarajevo, te dana 02.07.2021. u dnevnim novinama „OSLOBOĐENJE“. U datom roku nije bilo pisanih izjašnjenja o predloženim aktivnostima iz zahtjeva.

U provedenom postupku konstatovano je slijedeće:

Izgradnja deponije je planirana na dijelu parcele označene kao k.č. 2415 K.O. Podhranjen, općina Goražde. Na predmetnoj lokaciji planirano je formiranje deponije na kojoj će se zbrinuti višak zemljanog materijala iz iskopa nastalog prilikom izgradnje tunela Hranjen, dionica brze ceste Sarajevo - Goražde. Duž lokacije planirane deponije Osječani protiče povremeni „bezimeni potok“. S obzirom na planiranu namjenu prostora u zoni formiranja deponije zemljanog materijala neminovno je njegovo pokrivanje i zacjevljenje, odnosno iznalaženje odgovarajućeg tehničkog rješenja mogućeg načina evakuacije voda, a naročito velikih. Predviđeno je ucjevljenje bezimenog potoka u ukupnoj dužini od cca 300m. Površina planirane deponije iznosi cca 20.000,00 m², sa procijenjenom količinom deponovanog materijala od 100.000,00 m³. Deponovanje materijala bi se odvijalo fazno, po slijedećim tehnološkim cjelinama: čišćenje terena, nabijanje temeljnog podtla, izrada temeljnog klina, rješenje odvodnje, izrada nasipa od materijala iz iskopa i humiziranje i zatravljanje deponije.

Na osnovu prednjeg i provedenog postupka, a shodno članu 111. Zakona o vodama, članovima 5. i 17. stav 1. tačka 14. Pravilnika o sadržaju, obliku, načinu izdavanja i čuvanja vodnih akata („Službene novine Federacije BiH“ broj 31/15, 55/19 i 41/20) konstatovano je da sa aspekta sektora voda nepostoje smetnje da se podnosiocu zahtjeva izda tražena prethodna vodna saglasnost uz uslove propisane u tački 3, pa je riješeno kao u dispozitivu rješenja.


Podnosilac zahtjeva je uplatio upravnu i administrativnu taksu u iznosu od 80 plus 3 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih taksi.

Voditelj postupka
Nihad Pezo, dipl.inž.građ.

**Po ovlaštenju
Rukovodilac sektora za izdavanje
vodnih akata**



Haris Ališehović
Haris Ališehović, dipl.inž.građ.

Dostaviti:

- JP Autoceste FBiH, Adema Buće 20, 88000 Mostar
- ⊖ AVP Sava, ISV - vodna knjiga - ovdje
- Arhiva - ovdje
- Oglasna ploča AVP Sava